

陸川縣志卷之五

建置類一 城池 廨署 塘汛 街市
路鋪 壇廟 津渡 橋梁

城池

縣舊爲土垣明永樂間始築土城景泰三年重修開東西南三門正統十四年都指揮同知葛宗蔭奉檄修築加土增高成化二十一年都御史秦紘發帑金三千委知縣莊槩重修砌以甃石周圍二百六十丈高一丈八尺串樓二百六十間東西南北各有樓南北闢二門弘治十八年知縣郎珍築月城甃以甃石增串樓二十間濬舊濠深一丈廣一丈四尺正德七年妖賊李通竇縱火燒燬十五年總督蕭翀委知縣賀節重修嘉靖四十年

陸川縣志

卷之五

建置類一 城池

年火焚串樓九十餘間南北城樓二座四十二年知縣張子翼捐俸數百金率紳士等重修建敵樓八座城門二南曰長安北曰拱辰各有樓一座萬曆元年知縣周文盡除串樓立陽堞子四百八十改南門曰嚮明北曰拱極有陽城記見藝文崇禎末土寇作梗城堞摧崩二門焚燬清順治十六年知縣周士選重修城堞康熙十四年知縣朱萬壽加鐵葉包南北二門五十七年城堞崩頽知縣顧鵬奉文重修乾隆十八年知縣萬赤重修增高南北二門并修二門城樓以上志四十二年知縣李樹啟重修嘉慶七年知縣孟熊光重修又因紳民之請開復東門并建東北二門城樓今查石志鈔本城池類未後有南屏附識略云陸邑自明景泰三年重修遂開東西南三門迨後封



東西二門止留南門必有其故矣嘉慶七年好事者惑於禍福之說請縣開復東門時老成輩以兆亂止之弗聽甫落成而變亂即生旋奉上憲飭令封塞等語惟南屏姓氏里居未詳當是嘉慶時人事關文獻特摘註之

道光二十二年知縣卞撫辰委紳士呂崇本廉倫督理增修城牆并南北二門

城樓改南門曰啟運北門曰宣澤光緒二十四年賊陷城燬北

門知縣彭言孝督紳士修復北門并將城上周道加築石灰增

高北城垛子加建串樓八間南北修築礮臺六座東西亦各砌

敵臺民國六年縣知事周尚端商同保衛團公所修葺南北二

門城樓及月城內周圍女牆

廨署 倉院關卡均附

萬壽宮在城西清乾隆二十五年知縣應斯鳴建 謝通志 民國廢

陸川縣志 卷之五

建置類一 城池 廨署

二

并見古蹟

縣署在舊温水縣 即今縣治 宋淳化五年創建元無考明洪武三年

陞任縣事縣丞王麟重修成化五年知縣謝堅重修規制略備

弘治十四年知縣周岡重建堂宇廨舍始全正德七年賊毀知

縣李時榮重修嘉靖十一年知縣黎伯興三十九年署印教諭

潘譽四十二年知縣張子翼俱重修至崇禎末殘毀清康熙四

年知縣方鼎重修內廳二座川堂一座三十二年知縣韓朝舉

重修大堂三十四年知縣霍濬遠重修川堂乾隆十五年知縣

陳藝穀建六房房舍八間 以志 二十四年知縣應斯鳴重修內

署正廳新建書房五間在正廳西顏曰內省齋又建上房四間

在正廳東又宅門之東建房一間四十一年知縣李樹啟重修
大堂光緒二十四年闔署盡毀於賊二十五年知縣彭言孝督
紳籌款從新重建堂宇較前宏敞大堂三楹中設暖閣後爲宅
門門內爲屏亭上蓋鸞篷左右爲廊北頭各有月門再進二堂
三楹後爲屏二堂之左南向三間爲廚室由左廊月門進東偏
有小門廚室前面南向三間倒向四間中有小天池爲門丁室
由宅門左側進二堂之右南向五楹中三楹爲聽事作會客之
所左右房各一前有大天池兩廂旁列由右廊月門進聽事前
面南向四間爲幕友室前有小天池由宅門右側進二堂屏後
再進後座正中南向三楹前有大天池左右廂對列各三楹後
陸川縣志

卷之五

建置類一 廡署

三

座左右南向各三間前有小天池均爲上房署後常平倉及分

貯倉地均闢爲園砌以甃牆大堂直下儀門清宣統朝以避三

楹中爲甬道左右廊房舍對列大堂之左南向四間與門丁室

倒向者同棟爲糧庫由左廊西向第一戶進循左廊南下第二

戶爲差役值宿室共三間第三戶爲女待質所共二間第四戶

爲男待質所共三間第五戶爲羈候監共五間大堂之右幕友

室前面南向六間東二間貼大堂前簷戶南向爲吏房西四間

及倒向四間西頭東向三間爲戶房戶二房倉房均附內由右廊東向第

一戶進循右廊南下第二戶爲禮房承發房附內前後兩進各二間

南偏北向廂房二間第三戶爲兵房前進及南偏北向各二間

第四戶爲刑房第五戶爲工房均與兵房相同儀門直下頭門三楹中爲甬道左右廊對列儀門左右南向各一間爲民壯室左廊西向三間爲福德祠右廊東向三間北頭二間爲禁卒室南頭一間爲阜隸室由禁卒室再進自南拖北逕工刑兵三房之後至禮房後進南牆止共六間爲羈禁監頭門外照牆一幅東偏建惜字亭西偏建柵門照牆外空地一段直抵南城牆三十二年知縣陳仲賓奉文將羈禁監改爲罪犯習藝所加建圍牆并改羈候監爲羈禁監民國二年縣知事吳毓仁增高習藝所圍牆八年二堂右聽事三楹因積雨傾圮縣知事古濟勳依舊式重建并修葺二堂

陸川縣志

卷之五

建置類一 廨署

四

蒼梧道分司署在縣署前西側今廢石志

縣丞署在縣署西全通志今廢

儒學教諭署在城內十字街西側石志明洪武初教諭李伯英建

謝通志清康熙間訓導莊璧顯建五十八年教諭關士勳修石志乾隆

隆三十年教諭秦美士重建宣統間廢民國十年省長馬君武變賣

儒學訓導署在城內十字街西側教諭署之東清康熙間訓導莊璧顯建石志乾隆五十五年訓導蘇秉晁重建宣統間廢民國十年省長馬君武變賣

典史署原在縣署頭門東偏明洪武初典史黃仁建清順治十

五年典史沈良璫遷建縣治西南隅宣統間廢據石志參謝通志修并見古蹟

溫水寨巡檢署在溫水鄉那亭堡距城一百二十里清康熙四

年建謝通志咸豐十一年堂舍為水傾圮越年遷於良田墟初賃

居商店旋借三堡義倉辦事處為廨舍宣統間廢并見古蹟

案一統志溫水寨縣南五十里一稱溫家寨明設巡司但今

考其里數所差甚遠應以石志為合

分防把總署即陸川汛城守署向在縣治西清雍正間被火後駐劄於

北門城樓道道光二十三年知縣卞撫辰以捐修城垣餘款委

紳創建於城內西北隅共三進九間時把總莫元慶亦捐貲加

建左右廊及橫廳廚房馬廐等據汛署碑光緒末把總奉裁宣統

陸川縣志 卷之五 建置類一 廨署 五

三年知縣任祖安改為巡警區所加建東偏中後兩進房舍是

年停辦巡警隨廢并見古蹟

撥防外委署原在花嵯汛即今新村堡東北之豬母塘徑嶺頂後因傾圮駐劄於

南門城樓清光緒末外委奉裁署不復建

永寧驛丞署在縣城南石志今廢

常平倉在縣署東西清康熙二十九年知縣韓朝舉建分貯倉

在縣衙後米場墟倉康熙五十四年知縣顧鵬建那亭堡倉乾

隆十一年知縣劉復顯建謝通志今廢

養濟院在北門外半里許

北關稅廠原在米場墟距城二十里清順治十八年設立至雍

正二年知縣謝錫侯詳准裁撤詔同治初復在四賀徑設立名曰分卡賃姚姓房舍爲卡所附於南關稅廠

南關稅廠在城南南墟地借熊公祠爲廠所其設立後於北關稅廠在清康熙末年今仍之

鬱博統稅分卡在良田墟距城七十里清光緒三十二年鬱博統稅局賃呂姓商店爲卡所今仍之

塘汎

北墟塘在縣北關廂堡距城二里詔下至本汎二里上至米場塘十八里册檔

米場塘在縣北南中堡距城二十里詔下至本汎二十里上至

陸川縣志

卷之五

建置類一 廟宇 塘汎

六

山心塘十里册檔

山心塘在縣北朗洞堡距城三十里詔下至本汎三十里上至馬坡汎十里册檔

馬坡汎在縣北有龍堡距城五十里詔下至本汎四十里上至蓮井塘十六里册檔

馬坡塘在縣北有龍堡距城六十里詔下至本汎四十四里上至蓮井塘十里册檔

蓮井塘在縣北大襖堡距城七十里詔下至本汎六十里上至本營白石塘十里册檔

兩頭塘在縣南塘域堡距城三十里詔上至本汎三十里下至

灘頭塘四十里冊

灘頭塘在縣南吹塘新村二堡交界距城六十里石志上至本汎

七十里下至那亭塘四十里花嵯汎二十里冊

那亭塘在縣南清湖下堡距城九十里石志上至本汎一百十里

至清湖塘四十里花嵯汎四十里冊

清湖塘在縣南清湖上堡距城一百里石志上至本汎一百五十

里至花嵯汎三十里下至廣東馬蹄墟一里冊

花嵯汎在縣南新村清湖上下堡交界距城七十里石志上至本

汎九十里至灘頭塘二十里下至那亭塘四十里冊

低陽隘在縣東南順安東堡距城六十里石志上至本汎四十里

陸川縣志 卷之五

建置類一 塘汎 街市

下至廣東化州界八里冊

案塘汎乃清初設置為千總把總外委所屬之綠營兵分防

地也陸川汎把總一員歸鬱林營統屬分防陸川縣城右列

各塘汎均屬撥防之地花嵯汎設外委一員迨後有名無實

塘汎久廢故址所存無幾且多變置故石志與檔冊所列道

里其不符之處亦無從考證也

街市

縣城廂內外街市 十字街城內 興文街 大成街 西

興街 水湖街 橫街 上街 燒香街 學前

墟 牛墟坡俱北門外 北墟城北一里鋪店久 縣前街 南街

聖賢街

俱南門外

南墟

城南一里鋪店久圯即今三板橋以南熊公祠以北

以上城廂內

外各街相沿統稱爲三關蓋以北門外各街爲北關南門外各街爲南關合城內鋪戶而稱爲三關也鋪店共百餘間每逢夏曆三六九日爲市期商業今非昔比中以南街爲較盛經商者以開設典肆零沽綢緞布疋雜貨酒米藥材紙料及販穀屠豬爲衆貨物銷售以穀米布疋爲大宗

米場墟在城北二十里泗里堡五柳甲內均保之北獨山之南與南中朗洞二堡接壤爲泗里南中朗洞三堡之中區北通馬坡平樂南通縣城東通沙坡西通沙湖等墟直街一條鋪店百餘間每逢寅申巳亥日爲市期實縣北陸運總滙故向爲銷米

陸川縣志

卷之五

建置類一街市

八

總場經商者爲酒米藥材雜貨布疋及屠坊染坊等而穀米鹽糖蔬果等食物各處商販且多來此交易

馬坡墟在城北五十里有龍堡內直街一條墟外有穀行鋪店七十餘間每逢辰戌丑未日爲市期商業今昔平常經商者以販穀屠豬及零沽酒米紙料爲衆銷售以糖穀爲大宗

大埔新墟

近鬱陸分界墟之東

在城北七十里大襖堡大埔寨右祇穀行

一街無甚鋪店每逢辰戌丑未日爲市期

與分界墟同期

居期貨物雜

陳以糖穀爲大宗

平樂墟在城東北六十里中塘堡內上下直街二條西偏橫街一條共鋪店四十餘間每逢子午卯酉日爲市期清嘉道以前

東商來此營業者甚多今不如昔經商者以販賣食穀生豬及零沽雜貨竹木器爲衆銷售以穀與生豬爲大宗

沙湖新墟在城西北二十五里沙湖堡內直街一條鋪店十餘間每逢夏曆二五八日爲市期經商者爲零沽藥材乾果紙料及屠豬釀酒等類近來附近村莊多種花生間開油坊是其出產屆期則肩挑各種食物及器用販賣者爲多

沙坡墟在城東四十里榕江堡內街二條豬行穀行各一鋪店五十餘間每逢子午卯酉日爲市期商業平常經商者以販豬榨粉及零沽酒米藥材紙料故衣爲衆其貨物銷售於外者以生豬米粉爲大宗

陸川縣志

卷之五

建置類一 街市

九

大橋墟在城西南二十里大洞堡內直街一條內分上街下街鋪店共八十餘間每逢夏曆二五八日爲市期南流江繞墟之東至此始勝舟楫故商業稍盛經商者以囤穀販運鹽油洋紗火水及零沽酒米爲衆銷售亦以油鹽穀米洋紗火水爲大宗

橫山墟

舊名翰洞墟

在城西南四十五里洞心堡之西街二條鋪店

數間此外均是廠所每逢夏曆一四七日爲市期經商者爲零沽酒米藥材紙料等類屆期則肩挑貨物販賣者頗衆銷售以穀爲大宗

烏石墟在城南四十里沙井堡內爲南平鄉五堡之中區直街一條分上下墟鋪店百餘間並有牛墟每逢夏曆三六九日爲

市期近來貿易繁盛商貨麇集全縣市場以此為最經商者以固穀販運水路貨物如鹽油糖豆檳榔洋紗火水棕綿海味等類業此者咸稱為水路生意及零沽酒米藥材紙料屠坊染坊為眾銷售內地以水路貨物為大宗出口以穀米為大宗

灘面墟在城南五十五里沙井堡內為沙井吹塘新村三堡之中區直街一條鋪店二十餘間每逢夏曆二五八日為市期近來貿易較盛經商及銷售之貨略與烏石墟同

良田墟在城南七十里新村堡外洞村之右左瀨良田河直街一條上截大半築寨包圍鋪店七八十間每逢夏曆一四七日

為市期商業今較昔盛經商者以固穀販豬及零沽酒米紙料

陸川縣志

卷之五

建置類一 街市 路鋪

十

故衣為眾銷售以生豬穀米為大宗

清湖墟在城南九十里清湖上堡之東南毗連化縣有街三條為龍湖頭街豬行頭街北閘街鋪店共七十餘間並有牛墟每逢夏曆三六九日為市期商業昔衰今盛經商者以零沽酒米紙料為眾貨物銷售亦以此為大宗

路鋪

陸選水口鋪

城東三十五里共二間

石頸鋪

城東南四十五里

陸六鋪

城東南六十里共四間以上均順安東堡

獅子嶺鋪

城東南八里共三間

鷄腎坡鋪

城東南九里今坭

馬江壩鋪

城東南十二里共二間

石結路鋪

城東南十四里今坭

硃砂徑鋪

城東南十五里染坊雜貨各一間

計竹塘鋪 城南十六里共二間

風門鋪 城南二十里

十字坡鋪 城南二十里共二間 以上均順安西堡

木梗橋鋪 城東北十里共三間

分水鋪 又名石橋頭鋪 城北十里共三間

甯坡鋪 又名坡子鋪 城東北十二里共二間

巡檢鋪 城東北二十里共六間

大嶺腳鋪 城東北二十里共二間 以上均六良堡

竹筴社鋪 城東北三十里共三間

掃桿鋪 城東北三十五里 舊為墟 今廢 只存二間

鞏橋鋪 城東北四十里 以上均榕江堡

百亞鋪 城西北二十里 共二間 沙湖堡

煙墩鋪 城北十二里共二間

佛子徑鋪 城東北二十里共二間

干河鋪 城東北二十里

白馬寨鋪 城東北二十里 共四間

橫山鋪 城東北三十里共二間

茶山坡鋪 城東北三十里共三間

高嶺鋪 城東北三十五里 共三間 以上均南中堡

阿尿坡鋪 城東北二十五里共三間

陸川縣志 卷之五

建置類一 路鋪

山心鋪 城北二十里 今廢

石白嘴鋪 城北二十九里共二間

鴨母鋪 城北三十里共二間

黃箭鋪 城東北三十里

黃洞山鋪 城東北二十五里 二間 以上均助洞堡

鹿萃鋪 城東北三十里 今廢

蓮塘鋪 城北四十里 上一間 下一間

嶺坳鋪 城北五十里 共二間

石子嶺鋪 城北五十五里 共二間

大燕塘鋪 城西北七十里 以上均有泥堡

蓮井鋪 城北六十里

山村鋪 又名竹壳山鋪 城東北六十里 共六間

燕表鋪 城北七十里 今廢

哨塘鋪 城北七十五里 以上均大襖堡

雁鷹石鋪 又名石左窰鋪 城東北四十五里 共六間

潭文鋪 城東北五十里 共二間 以上均中塘堡

龍塘嶺鋪 城南十里 左右二間

茂菊嶺鋪 城南十六里 共二間

陳村嶺鋪 城南二十五里

平山鋪 城南二十八里 上下共三間 以上均大洞堡

楊桃木根鋪 城西南三十里

黃皮嶺腳鋪 城西南三十里

龍頸鋪 城西南三十里共二間

旱塘鋪 城西南三十里

古旦鋪 城西南四十里

依古鋪 城西南四十五里

石嘴鋪 城西南四十五里以上均洞心堡

大石磊鋪 城東南五十里今廢

龍化江鋪 城西南五十里今廢

坡腳鋪 城西南五十里共三間

旱洞鋪 城西南五十里

橫嶺鋪 城西南五十里

老虎尾鋪 城西南六十里共二間以上均沙井堡

老鼠脛鋪 城西南三十里共七間多飯鋪

水車鋪 城西南三十里今圮

山塘尾鋪 城西南四十里

陸桑鋪 城東南四十五里以上均塘城堡

羅村鋪 城西南六十里共二間吹塘堡

坡子鋪 城西南六十五里

老大田鋪 城西南八十里共二間

陸川縣志 卷之五

建置類一 路鋪

泥脛鋪 城西南八十里

豬屎狹鋪 城西南一百里以上均新村堡

丹竹坪鋪 城西南七十里

大雨洞鋪 城西南七十五里共二間

橫山鋪 城西南八十里

黃鱔嶺鋪 城西南一百里

官埭鋪 城西南一百里共二間以上均清湖上堡

溫水浪鋪 城西南一百一十里共六間

約亭鋪 城西南一百一十里

古城鋪 城西南一百二十里藥材客店各二間

車頭鋪 城西南一百二十里以上均清湖下堡

案日知錄曰今時十里一鋪設卒以遞公文顧氏為清初人

蓋據清制而言今鋪遞久廢故址無考右列路鋪孰為官設

作鋪遞之用孰為民建作貿易之所無從辨別姑就采訪所

得而以路鋪統之

壇廟 寺觀庵祠併

社稷壇在城北一里清雍正十年修金通光緒二十七年知縣

茹沛澧重修清列大祀歲以春秋仲月上戊日為民

先師廟即學宮在城北修建詳學校類清列中祀光緒未升

縣正官將事民國因之

先農壇在城南一里清雍正四年知縣謝錫侯奉文創建有記

見藝文道光二十五年知縣趙彭年改建為祠置田租石餘作香

燈費清列中祀歲以仲春亥日縣正官朝服致祭禮

神祇壇即雲雨風雷山川城隍壇在城南五里清雍正十年修

金通光緒二十二年知縣顧思仁二十七年知縣茹沛澧俱重

陸川縣志 卷之五

建置類一 壇廟

修壇內中設雲雨風雷之位左設本境山川之位右設本境城

隍之位清列中祀歲以春秋仲月誦日縣正官致祭孟夏誦

日行常雩禮如常雩後不雨即率屬致齋虔禱既應而

報若久雨祈晴冬旱祈雪禮亦如之民國典禮廢壇存

文昌樓一在城南三峯書院即今縣立第一內一在縣治西北

考棚即今縣立內修建俱詳學校類清嘉慶六年方列羣祀

同治五年知縣陳榮洙重修清列羣祀歲以春秋仲月及仲夏

奉文以宋鄂王岳飛合祀廟中並列祀典

城隍廟舊在縣東明洪武初遷南門外天順間遷縣治北清康

熙二十五年知縣閔植遷縣西隅嘉慶四年安徽婺源人畢

西孫撥田租十石入廟立碑以紀其事略云乾隆五十二年因

張廷澤米埔洞田租十石三年逢赦道光二十五年知縣趙彭

年重建同治二年知縣傅楨重修清列羣祀每祭厲壇守土官

神位入壇禮成仍奉還

厲壇在城北後陽山東金通志俗稱孤魂壇清附祀典歲以三月

月初一日守土官致祭而以城隍神主之鑒別善惡民國廢

名宦鄉賢祠蓋在縣學明倫堂之西明嘉靖六年知縣何徽奉

文創建因學地狹隘合為一祠蓋其時縣學猶在縣中街之西

也名宦則祀宋縣主簿吳庸明知縣王麟莊槩郎珍典史彭金

鄉賢則祀明諒江府知府油鳳廣東參議道楊槩邵武府通判

陸川縣志 卷之五

建置類一 壇廟

龐經見藝文嘉靖中學宮一再遷建祠址失攷清順治十六年

知縣周士選重建學宮於城北並建名宦祠於戟門之左建鄉

賢祠於戟門之右乾隆二十四年知縣應斯鳴道光十二年知

縣郭承休俱重修見藝文名宦則添祀明知縣董克正施召

徵清按察使黃元驥驛鹽道張維遠張若需鄉賢則添祀明泗

州知州陳敏崇仁縣縣丞黎聰清嘉魚縣知縣龐穎清附祀典

奠禮畢教諭詣祠致祭民國縣知事釋奠禮畢派員祭之

案今名宦祠不設王麟莊槩郎珍彭金四人牌位而明知縣

余顯宗訓導紀通俱明祀名宦余見文載紀見石志而今皆

不列位祠內不審何故

忠孝祠在學宮側清雍正三年知縣謝錫侯建有新建忠孝祠
記見藝文今學宮戟門外右側祀明孝子黎伯寬龐希睿殆即謝
詛之忠孝祠清附祀典春秋致祭與名宦鄉賢祠同

案金通志載忠義節孝二祠在學宮側雍正三年知縣謝錫
侯建與謝記之忠孝祠名稱不同考大清會典得附建學宮
左右者只忠孝節孝名宦鄉賢四祠此外又許直省府州縣
咸立忠義孝弟祠則非必附建學宮左右者即祭品亦微有
不同金志所載忠義祠當為忠孝祠之誤

節烈祠在城北學宮左祀明知縣張子翼妻卜氏暨縣中婦女
以節孝貞烈被旌者清雍正三年知縣謝錫侯建有新建節烈

陸川縣志

卷之五

建置類一 壇廟

十五

祠記見藝文

同治三年重建

清附祀典春秋致祭與忠孝祠同

民國三年邑紳封

職訓導呂鼎堃廣東縣丞李興孫等以祠宇剝落呈請將舊存
鄉試膳錄田租十六石撥交賓興館司事存管永為學宮及節
烈祠修葺專款經縣知事賴以承呈奉層憲令准照撥七年復
由邑紳郝門縣知縣呂濬堃監生龐恩等倡議將各節坊會款
並向各堡募捐補助重建並添建東偏副屋

案謝通志載貞烈祠在學宮右祀明知縣張子翼妻卜氏乾
隆二十一年知縣石崇先建蓋據商盤所撰卜夫入守城歌
序而言但今考學宮之右為陳氏祠建於乾隆二十一年以
前則貞烈祠即今節烈祠亦即金通志所載之節孝祠原建

學宮之左無疑矣謝石兩任相去三十二年石崇先當日爲
卜氏請祀建祠其殆重修者歟

義勇祠在新村寨爲明戰亡狼日黃曉父子建今廢金通志清咸

豐問知縣覃遠璉復建義勇祠於縣治東北隅添祀明陣亡把

總郭志附生周南及清陣亡紳練龐崇第等光緒二十四年知

縣彭言孝改稱忠義祠添祀戊戌殉難官紳典史王錫章監生

呂振儒及幕友兵練等民國八年遷祀西北隅舊分防把總署

十集重修

案大清會典載直省府州縣咸立忠義孝弟祠內設本鄉忠

臣義士孝子悌弟各牌位有司歲以春秋致祭右列忠義祠

陸川縣志 卷之五 建置類一 禮廟 十六

亦有司所建惟官不設祭歷由賓興館公祭而已

彭公祠在縣城祀明典史彭金邦通志明弘治十年建金通志今廢

遺址無考

熊公祠在城南一里南墟地祀清知縣熊淑媚清康熙間民建

即今南關稅廠

以上所列皆載在祀典有司歲時致祭及闔邑紳民公祭

者其餘商民及緇流所建則按堡列之

玉虛宮在城北一里祀北極佑聖真君神像清光緒十七年重修

聖武寺同上 邑紳龐穎自少至長奉祀關帝及宰嘉魚值夏

建寺置租召僧供奉至雍正時知縣謝錫侯暨士民重修而穎之孫媳旌表節孝龐謝氏增建寺之後進申奉三寶佛左奉藥

王神右奉
龐顯主

東嶽廟 同上 清同治十年邑紳訓導龐倫舉人周尚儒劉浚祥等重修

水月宮 同上 祀觀世音菩薩神像清光緒十七年重修

天后廟 在城東北學前街即東官館廣東東莞縣商人合建

羅侯廟 在城北水潮街清嘉慶二十一年譚道珩謝昌華等重建

靈惠宮 在城南石橋下祀漢伏波將軍馬援清同治七年建咸豐間買受田租十一石八斗詳廟碑

關帝廟 在萬丈坡三峯書院左清雍正十年譚如璉等重建乾隆嘉慶光緒間均重修詳廟碑

凌雲寺 在妙洞村東山嶂麓清康熙三十年建田租十八石今撥充本堡國民學校經費

盤古廟 在凌雲寺左祀盤古帝

鳴石觀 在中屯村祀馬伏波將軍清道光二十一年二十三年均重修

陸川縣志 卷之五

建置類一 壇廟

福隆寺 在柯木山村清咸豐元年知縣張琳督建詳廟碑

以上均關廂堡

水口廟 在月洞甲水口清嘉慶九年劉宏英等道光間舉人劉浚祥等光緒間監生劉懋文等均重修田租十餘石

羅侯廟 在月洞甲塘磯田清同治十三年邱佩劍等重修

橋頭廟 在月洞甲萬貝村清光緒二十三年劉懋文等重修

觀帝廟 在月洞甲陸選村水口清光緒九年附生劉琮芳等重修田租十餘石

大廟 在低陽甲高寨村清道光二十五年附生王鎮中等重修田租九石

沙塘廟 在低陽甲大屋村清光緒十七年附生王槐等創建

以上均順安東堡

靈惠宮 在洞心村東山頂祀馬伏波將軍清光緒二十四年封聯呂佩琛等遷建

三聖宮 在上官田村 祀五穀神

文昌宮 在長加科清道光間歲貢呂崇本倡捐集會同治十三年其子錫旂與會友等同建前後置受田租二百餘石為栽培後進之用 至今士林賴焉

雲谷寺 在馬鞍山麓清康熙間鄉紳袁州府通判呂振周創建並撥田租二十四石及寺後山場一所今雙洞水口之橋及第十三區鍾毓國校皆以此寺產為的款

聚神廟 在黃泥田民國七年居民捐資重修

化龍廟 舊有遺址民國八年村民募建

以上均順安西堡

修竹庵 在東震山之北麓清乾隆二十一年重修明陸一清撥有租五十九石七斗庵後建摩雲亭

陸川縣志 卷之五

建置類一 壇廟

羅侯廟 在六冷洞明末創建清乾隆四十四年重修

紫竹庵 在坡口左嶺明萬曆間建清嘉慶六年同治九年均重修康熙三年(姓名)自捐資置民米二斗額租十五石逐年添置又加入楊松撥租三石共計三十一石有奇

白雲廟 在白底

四聖廟 在墟地山

三聖廟 在白米坡

羅侯廟 在陸澄 均祀五穀神 以上

燈籠廟 在下六巷

大成殿 在巡檢清咸豐三年大成會林桂峯等創建置田租五十餘石

關帝廟 同上 清同治元年重修

保安寺

在茶亭甲黃狗地清嘉慶十五年創
建成豐六年光緒十四年均重修

以上均六良堡

上洞廟

在上甲上洞村清光緒二十一年民國八年
均重修中有銅鼓一高二尺餘廣三尺餘

迴龍庵

在上甲官廟坡清嘉慶二十年俞高齡等由庵墩遷建
山主甯暢俞捐錢三十五千文受官廟坡地一所并捐

租六石為
香燈費

感應寺

在沙坡墟清光緒三十四
年監生姚恒元等重修

關帝廟

在沙坡墟清道光三年
傅秉赤等重修詳廟碑

盤古廟

在下甲銅鼓山山主莫良奎捐穀八斗為遞
年香燈費清光緒十八年莫華昌等重修

廣福寺

在界排平崗坡山主陳緝舜捐錢十千文并
將其祖所施廟田變賣遷建於此詳廟碑

霞洞庵

陸川縣志

卷之五

建置類一 壇廟

十九

以上均榕江堡

興寧寺

在沙湖新墟之西清乾隆五十一年同治九年均重修
廟租五十石今撥十分之六為堡內國民學校經費

三聖廟

一在蔣村一在明塘村一
在庵田洞均祀五穀神

福山廟

在旺豐咸村清同治
六年謝鳳揚等重修

關聖廟

在沙湖嶂清光緒三十
二年謝相國等創建

武聖廟

在陸樓水口村祀關岳民國八年
羅錦晃等由陸樓塘墩村移建

興寧寺

在大塘肚村清道光十
六年羅元芳等重修

興隆寺

在潭旺村清同治元
年由廟園洞移建

永興廟

在潭感塘之社底坡清光緒二
十五年羅祚良等由鹿洞移建

永寧廟

在鴉髻村清乾隆二十三年嘉
慶十三年道光八年均重修

永安寺 在沙湖嶂麓新屋村後曾郵撥地創建清道光

文武廟 在官塘村祀文昌關聖

以上均沙湖堡

永鎮庵 在米場墟祀關聖帝觀世音北極佑聖真君及清知縣顧鵬 顧撥田租二十四石又穀行租及各姓所撥田租約六十餘石連續置租共有百餘石為此庵與太子廟寒山廟公產民國十二年議撥八十石為三英高等小學校常年經費

太子廟

寒山廟 均在米場墟清光緒間楊春芳等創建租均見上

學山廟 在學堂田清同治間訓導龐倫等創建

大王廟 在陸蒙埔清雍正間創建

永慶廟 在五柳村清道光十六年重修

陸川縣志

卷之五

建置類一 壇廟

四聖宮 在羅埔村

三聖宮 在大坡村

六蘇廟 在六蘇村清知縣傅楨判結何甘兩姓控案充撥盧姓地租三斗張姓地租二斗甘姓地租二斗何姓塘租六

斗燈會租一十二石七斗

三聖廟 在陸貽埔

靈石庵 在石燦村

顯聖廟 在倉亭村民國元年吳祖蔭等創建

以上均泗里堡

圓通庵 在三角村明萬曆初年江西僧人黃芝創建清同治九年改建現有租十一石

寺觀庵 在白馬村清乾隆四十五年劉景等創建嘉慶二十一年甯方著等重建

高鎮庵 在高嶺村清乾隆間陳北蘭等遷於水口之湖

青山庵 在潭灣村清光緒十年邱國寶等復遷回舊址

盤古廟 在橋林村民國九年盧堯漢等重建

關帝廟 在潭畝洞村清乾隆六年梁相惠等創建廟租十餘石

大廟 在南中村明季創建清道光十七年歲貢陳卓仁等重建

永平寺 在南中村民國六年梁德彬等倡建

四聖宮 在路村清乾隆三十年重建

唐天府 一在路村一在坡脚村均民國三年建

廣福寺 在橫山村創建年月無攷相傳係明舉人張三德酬神捐資自建向由張姓供奉

三聖宮 在大塘壩村清光緒十五年呂德廣等重修

陸川縣志 卷之五

建置類一 壇廟

興隆廟 在文場村清同治十二年邱展文等重建道光以後屢次重修

鎮水廟 在本壩村邱岳峙撥地其子懷真務義等倡建

降山廟 在陳村屋背嶺清道光三十年楊義漢等重修

以上均南中堡

文武閣 在樂甯甲水口圓珠嶺祀文昌關帝清嘉慶二十四年歲貢陳卓仁等創建田租詳廟碑今米場三堡借此閣

開辦三英高等小學校

不及廟 在樂甯甲朗洞徑口山清嘉慶四年創建詳廟碑

嚴坡廟 原名永寧廟在樂甯甲上甯村清乾隆六十年重修道光十五年重建改今名詳廟碑

樂慶廟 原名社崗廟在樂甯甲社崗嶺清乾隆初年創建咸豐二年賴國豐撥地重建光緒九年重修改今名詳廟碑

南華寺 在山心甲阿尿坡山崎坑口祀觀世音

興寧廟 在樂甯甲亞根山

留寧廟 在山心甲留壩坑村

寒山廟 在佛子甲北瀾村嶺清康熙間創建嘉慶元年民國八年均重修詳廟碑

五福寺 在佛子甲佛子村嶺祀五穀神

英山寺 在佛子甲平塘村荔支洞清道光間傳定升等創建光緒九年重修詳廟碑

四聖宮 在黃楊甲楊村社嶺坡清乾隆四十六年創建嘉慶二十四年修改道光二十九年重建光緒二十一年重修

詳廟碑

文武廟 在黃楊甲菁浦村塘尾清道光十一年歲貢譚精一等改建同治光緒年間均重修詳廟碑

鎮水廟 在黃楊甲田子洞又名大王廟清雍正間建嘉慶二十一年重修詳廟碑

觀祿寺 在黃楊甲黃箭村祀真武帝觀世音諸神

陸川縣志 卷之五

建置類一 壇廟

五穀廟 在黃楊甲平南堂村

文武廟 在黃楊甲平樂山水口華蓋山因林譚械闖故改建而未成

四聖宮 在黃楊甲嶺礎村嶺嶺

大埔廟 在黃楊甲大埔村莫屋背

以上均朗洞堡

金容寺 在馬坡墟中明季創建清乾隆嘉慶光緒年間均重修同治間封職監生李嘉霖撥租三石光緒初年陳日堃

撥租二十石

永善庵 在馬坡墟北明天啟間創建清乾隆嘉慶光緒年間均重修黃省南撥租二十三石有麒撥租十三石光緒

初年庵旁建黃潭二公祠

寒山廟 在永善庵左清光緒末年副貢王典禮等由煙墩嶺遷建於此

南華寺 在陂背村山麓係楊姓倡建楊柏彰兄弟等共撥租八石清嘉慶以後重修四次俱楊姓倡議嗣以捐款不敷賣租四石現存四石

寒山廟 在竹圍村背民國二年僧生劉朝華等倡建

永泰寺 在斑石村對面高坡清道光二十五年陳以道撥租二石五斗

六隆廟 在六馬洞村

橫嶺廟 在燕嶺村

尋村廟 在尋村洞

大德寺 在莘山村之下關旺村社嶺清光緒二十六年增生黃撫瀚等由社山遷建

上洞廟 在鷓鴣山村之上洞嶺清道光二十八年優附生龔鉅元等重修

長塘廟 在長塘村

陸川縣志

卷之五

建置類一 壇廟

永復寺 在隆久塘村附近之圓嶺清光緒二十八年龔使元等由橋頭遷建

木格廟 在木格塘村

大洞廟 在青樹村上邊嶺凹

以上均有龍堡

南昌寺 在楊家山腳馮屋山園背明季建清康熙年間重修成豐八年知縣覃遠璉禱於神而平賊復捐俸重修詳廟碑光緒三十二年溫鳳山等倡捐增建後座為永善小學校舍今廢村人奉寒山三聖於此

將軍廟 在南昌寺右

靈惠寺 在烏竹山村清道光間戴道權倡建

文昌閣 在高龍洞之黑石嶺閣高二丈餘清乾隆間李文浩等創建

長壽庵 在埔井塘左清乾隆間建

關聖廟 在大埔村清嘉慶末陳鳳儀倡建

寒山廟 在荔支山村左

柳竹庵 在埔井塘對面石山側庵後有洞高約五丈廣約三丈深約六丈洞祀觀音有田租二十餘石創建年代及姓名碑文殘缺均不可攷

寒山廟 在良救村后嶺民國八年羅長才等倡議重修

觀文寺 在燕表村左清乾隆間建有田租十餘石

以上均大襖堡

朝陽寺 在石村水口清雍正七年梁登才等倡建梁廷英廷顏撥田租四石為香燈費

四聖宮 在平樂墟清道光五年劉克五等重修

水月宮 在平樂墟清咸豐十年劉現等重修

陸川縣志

卷之五

建置類一 壇廟

玉虛宮 在平樂墟清嘉慶十年吳廷昌等重建

寒山廟 在平樂墟戲臺對面又名三廟行宮清嘉魚縣知縣龐穎撥地建

文武廟 在平樂墟祀文昌關帝清光緒十七年附生李夢生等倡建

福安寺 在橋頭村清光緒十三年監生吳居仁等重修

文武廟 在六度村

三界廟 在洛村

大成堂 在平樂墟祀孔聖清舉人李開藩等倡捐集會於道光二十三年創建

三聖宮 在石狗塘口

鎮水廟 在大村水口

文武寺 在天慶巖左清康熙間建光緒三十四年重修黎家修撥田租十餘石為香燈費

以上均中塘堡

三恩寺 在大橋墟清嘉慶十二年黃智國倡捐重修遞年由

石角廟 在石角坡清道光二十五年池瑜光光緒

水口廟 在羊公嶺清初創建民

龍堂庵 在龍塘村清初創建光緒三

石閣廟 在平山村

武當廟 在茂菊嶺村 以上均

六巴廟 在六巴村清道光二十五年池瑜光

陳村廟 在陳

旱塘廟 在旱塘村 以

陸川縣志 卷之五

建置類一 壇廟

鎮江廟 在周塌村水口嶺清初創建民

台山廟 在塘

以上均大洞堡

鎮龍寺 在鴨牙甲

靈榮廟 在茅坡塘

三恩寺 一在陸秀村

五福廟 在西鄉靈廟坪

先師廟 在石

福善庵 在火

水口廟 在低山

羅侯廟 在來旺坡龍頸

三聖廟 在上北桑村

大人廟 一在良村一在陸紅香堂嶺一在上南良村 以上均祀五穀神

關華寺 在下洞村祀關帝 華光及五穀神

先師廟 在瓜頭村祀五穀神民 國九年林翰芳等重修

鎮龍寺 在鴨牙村清光緒十九年林瓊銘等重修油 村洞梁羅氏梁謝氏同撥租四石為香燈費

東嶽廟 在旱塘村有香 燈田租三石

靈惠宮 在旺村坡大 坑肚山巖

靈佑宮 在橫山寨 外祀天后

威靈廟 在高埔村 祀五穀神

陸川縣志 卷之五

建置類一 壇廟

馬四侯廟 在冠亞甲祀漢馬伏 波將軍香燈租八石

龍池庵 在冠英塘祀真武及觀世音清同治 十一年州同職銜何光輝等重修

鎮水庵 在棠梨塘村水口祀真武及 觀世音相傳此庵素著靈應

尚書廟 一在下北桑村一在陸紅阿 低坡均祀清陳文恭公宏謀

善慶寺 在良 塘村

鎮江廟 在坡石村祀龍 王及五穀神

以上均洞心堡

北帝廟 在烏石墟清乾隆初年創建同 治二年光緒二十六年均重修

武廟 在烏石墟清光緒七年陳福仁 暨商民等由十二嶺崗移建

羅侯宮 在武廟側清光緒七年李連威等由烏 石墟中間開門左移建并設穀行於此

瓊花宮 在烏石壩外清光緒十六年陳敏慶等倡建

伏波廟 在伏波灘側祀漢新息侯馬援明崇禎十三年邱際寧等倡建清光緒八年二十二年均重修呂成周將其父

建嘗產捐撥田租十石陳紹仁捐撥田租五石另會租五石相傳素著靈應清代宰陸者到任三日必往展拜

雷祖廟 在譚村明代創建清光緒二十九年重修

武聖廟 在灘面墟清光緒二十二年李時和等重建

天后宮 在灘面墟尾清乾隆五十七年黃何氏暨男忠超欽政等建

慶善寺 在合水口背明末創建清宣統二年羅姓捐款重修

古帝宮 在坡頂祀伏羲清光緒二十五年羅思忠倡建

鎮安廟 在下窩潭祀關帝民國元年李滋華等由坡子移建

羅侯廟 在太菌水口祀五穀神民國五年李滋華等重修

陸川縣志 卷之五

建置類一 壇廟

以上均沙井堡

北帝廟 在那順甲水車清光緒間由水口遷建光緒五年十四年均重修并建副屋

南京廟 在陸桑甲水口清光緒十三年州同銜邱繼琬等重修

觀法堂 在那順甲大這村觀音破清光緒間簡易師範生羅詒孫創建

大這廟 在那順甲大這洞

三相堂 在下街甲陸發洞清光緒三十四年監生羅士琬等重修

以上均塘域堡

文昌閣

關帝廟 在下窩村清光緒初年邱龍泉等倡捐移建

泮塘庵 在泮塘村明隆慶間李清皋嗣孫創建

三寶庵 在水口村李黃溪

伏羲宮 在謝魯村清光緒二十二年呂琴南等倡建

龍王廟 在羅村清康熙間李劉兩姓合建

先師廟 在調鴨坡明天啟間李榮春嗣孫創建

羅侯廟 在徐村清咸豐間徐復揚嗣孫等創建

以上均吹塘堡

觀音寺 在覃村坡子

三相廟 一在雞籠脛一在幸村

三相堂 一在旱塘一在龍口一在樹木一在鹿洞一在老大田一在竹山莫村

四相堂 在陸瘞村

陸川縣志 卷之五

建置類一 壇廟

羅周廟 在高山

五穀神廟 在十坡

高房廟

保安廟 以上均祀五穀神

伏羲廟 在新村清光緒二十三年重修

茅山廟 在攬子塘

關帝廟 在石頭營

鎮武廟 在良田墟清道光六年馮龍芳倡捐重修廟租一石五斗

青山寺 祀觀世音

龍頭寺 在新街清光緒三十二年重修廟租六斗

三帝廟 在山心清光緒七年李兆英倡捐重修廟租五斗

觀音寺 在石洞民國四年黃龍海倡捐重修廟租二十餘石

文昌閣 在伏波灘清岸生邱培芝等倡建

以上均新村堡

天后宮 在清湖墟清道光間建光緒三十三年蔡上達倡修

三帝堂 清乾隆間簡上寬等倡建

三相堂 祀五穀神

康公樓 在清湖龍湖頭街有鋪一間民國八年合市捐款重修

伏羲廟 在山背水口清光緒二十二年余業湘等倡建其父撥租一石為香燈之費

萬慶寺 在木島村清初由鍾廖謝温巫劉六姓創建清光緒十九年重修

陸川縣志 卷之五 建置類一 壇廟

伏羲廟 在木島村萬慶寺左清光緒十三年鍾文清等倡建

永安廟 在塘交新屋村對面清宣統元年劉錦韻等重修有兩年會共租一十六石

先鋒廟 在水亭村清光緒二十年張顯龍等倡建

水亭廟 在水亭村水口民國六年張顯謀等倡捐重修

大澗廟 在大澗嶺嘴民國五年塘欖村程姓重修

橫山廟 在橫山村明何肇基倡建

唐天府 在獨哨村前清宣統間温得利倡建

三聖廟 在坡尾

以上均清湖上堡

東嶽廟 距城百四十里

鎮安廟 距城百五十里

鎮龍寺 同上 以上俱成 豐間凌志顯創建

保全廟 距城一百四十里 祀文昌關帝 清光緒二年高嵩光等重修

太平廟 距城百二十里 清康熙三十六年黃詔鸞暨羅王伍劉汪各姓創建 嘉慶二十年千總羅璿等道光十七年監

生王宗周等均改修 添建文武廟於右

約亭庵 距城百一十里 明末李季懿等創建

忠義祠 距城百二十里 清咸豐間歲貢陳棟隆等倡建

福祥寺 距城百二十里 明永樂間黃志昌等創建

福安廟 距城百三十里 清咸豐間葉萬隆等創建

文武廟 距城百二十里 清同治間州同銜王家齊等重修

陸川縣志 卷之五

建置類一 壇廟 津渡

以上均清湖下堡

津渡

義里嶺渡在裕江堡

嶺腳底渡同上 以上俱高等小學畢業姚邦賢捐撥田租一

石建設渡一橋一

龍灣渡在有龍堡又名霞地坡渡清道光間歲貢胡定坤等倡捐創設並置田租十二石為遞年修渡僱夫之費

雙握渡在洞心堡雙握河城南四十二里右通博廉左通高化河水深廣春夏需渡冬需橋清道光十七年創設同知銜吳裕滄捐撥田租二十石交徐步洲管理復添置數十石為遞年設

渡修橋之費

鄉貴渡同上 木威塘水口城南三十八里河水深廣周年有渡冬有橋陳周譚各姓集貲置租爲常年經費

灘面李家渡在吹塘堡灘面河西北清道光六年李清皋嗣孫炳霍等建設渡一橋一亭一遞年捐撥嘗租十五石爲經費

灘面黃家渡同上 清光緒十二年黃開基嗣孫加設渡一橋一亭一遞年捐撥嘗租十二石爲經費

大壩河渡同上 大壩河西南清咸豐間李清皋時和源隆俊峯幽峯等捐撥田租共十石黃陳劉藍各姓捐撥田租共二石五斗建設渡一橋一亭一

陸川縣志

卷之五

建置類一 津渡

三十一

徐村河渡同上 徐村河清咸豐間徐復揚等將伊祖嘗田遞年捐租七石又呂姓捐錢五十千文建設渡一橋一亭一覃村河渡在新村堡覃村東偏春夏需渡冬需橋均邱端健撥款建設

良田墟頭渡同上 清光緒四年謝國祥等倡捐創設現置斷

當田租十餘石並建渡夫棧息亭一所

詳亭碑

良田墟尾渡同上 清道光二十八年萬玉邱瑤嗣孫各捐撥嘗租十石創設並就劉姓讓撥地段建渡夫棧息亭一所

寨地渡同上 早塘村清道光二十一年黃廷球兄弟創設並捐田租八石

橋梁茶亭附

聖賢街口石橋在關廂堡城南半里謝通志作南橋明永樂間王薄吳克林建

三板橋同上 城南一里南墟地之北

低街石橋同上 城南三里低街洞

西邊洞石橋同上 城外西邊洞

長山石橋同上 上長山

小坑橋同上 茶園 以上五橋建造年代姓名俱無考

山塘石橋同上 山塘村清光緒二十九年武生呂紹元等倡建

陸川縣志 卷之五

建置類一 橋梁

三十二

中屯木橋同上 中屯洞清咸豐間鹽知事銜呂敬宇等倡建

存錢百餘千文生息修葺

梓潼坡板橋同上 城東半里謝通志作梓潼橋東團各甲捐貲建造

遞年由會款修理

佛子切茶亭在順安東堡佛子山清乾隆間創建咸豐十年舉

人劉浚祥募捐重修並置田租八石為遞年修路施茶之費

鹿宿嶺茶亭同上 鹿宿嶺切清光緒間劉益疇集貲創建

新龍橋在順安西堡城南五里謝通志作興隆橋春夏河水瀾漫寬約

二三十丈不能架橋冬季河流順軌方造板橋清光緒間武舉

呂慶芳倡議捐款遞年建設

雙洞木橋同上 雙洞村水口遞年以鄉紳袁州府通判呂振周所撥雲谷寺田租建造

北墟河石橋在六良堡民國四年鄉人黎慶元倡捐建造長一丈寬二尺四寸

萬安橋同上 木梗橋鋪謝通志作木蓋橋 民國四年清武生林乃賢

等以石改造長三丈六尺寬四尺高一丈二尺

大嶺聯甄橋同上 清宣統三年三瑞堂林姓建長一丈五尺寬四尺高一丈

延濟橋同上 六良河口清宣統元年黃藍張周易何六姓以觀音會款建甄砌長一丈六尺寬四尺高一丈

陸川縣志 卷之五

建置類一 橋梁

三十三

分水鋪石橋同上 城北十里長一丈寬三尺餘創建無考坑口小河石橋在榕江堡林心齋倡捐建造

榕根河木橋同上 清從九職銜姚嗣綬提倡集會遞年建造大水口河木橋同上 清從九職銜姚纘興提倡集會遞年建造

造

大塘肚河板橋同上 清監生俞典章提倡集會遞年建造

六槐口河板橋同上 鄉人姚協勳提倡集會遞年建造

界排河板橋同上 清監生姚秀英提倡集會遞年建造

義里嶺木橋同上

嶺腳底木橋同上 以上二橋建置俱見上津渡

野鴨河口木橋同上

細坑河口木橋同上 以上二橋俱四賀徑茶亭會遞年建造

四賀徑茶亭同上 北陸交界清同治十年創建州同姚裕堃

監生林廷梅府經歷伍雲紀增貢馮士鵬覃德俊梁烈光姚嗣

隆姚復文等倡議集會購置施茶田租

文龍徑茶亭同上 與六良堡交界清道光十年監生龍成雲

倡捐集款購置施茶田租九石十八年又捐撥修路田租三石

達輪塘石橋在沙湖堡清道光二十三年羅紹文等倡捐建造

澁囊洞石橋同上 清光緒二十年李兆容妻羅氏捐貲建造

山窰坑石橋同上 清光緒六年守禦所千總銜謝翰陸等倡

陸川縣志 卷之五

建置類一 橋梁

三十四

建

蔣村石橋同上 清咸豐七年李一浩捐貲建造

鹿洞石橋同上 羅啟賢倡捐建造年代無考

茶根洞石橋同上 李芳嶼捐貲建造年代無考

皇帝潭石橋同上

庵田洞水口石橋同上

覃盛塘石橋同上 以上三橋創建俱無考

龍安橋同上 沙湖新墟尾民國四年清武舉李夢傳等提倡

以石建造

鴨嘴陂底板橋同上

陸子塘板橋同上 以上二橋均鄉人隨時捐貲建造

饅頭嶺茶亭同上 與泗里堡交界清同治元年訓導謝振宗

守禦所千總銜謝齡陞封職李一瀚等倡建置施茶田租九石

由茶亭至沙湖新墟道路亦以此租修理

石龍橋在泗里堡龍造橋村明弘治間知縣郎珍以板造名蘆

星橋清康熙五十六年知縣顧鵬暨邑舉人龐驥兄弟重修砌

以甃改名來清橋通志作來青橋乾隆間甃圯復修改名龍造橋道

光間橋基盡壞鄉紳龐倫等倡捐改造以石附建橋亭知縣費

湘颿改今名並為撰記勒石記見藝文

馬王橋同上 瑪瑙山洞與南中堡交界創建無考清嘉慶十

陸川縣志 卷之五

建置類一 橋梁

九年道光十八年均重修架石條三段詳橋碑

沙街板橋同上 與朗洞堡交界清嘉道間河流尚淺鄉紳林

璽每於冬季捐貲架木咸同以後築陂者多水漸深廣涉者病

之光緒中在籍戶部郎中呂錫旂創建板橋長十餘丈寬二尺

餘周年可行與阿尿坡橋同將管理承鎮庵贏餘之錢另置田

租八石為遞年修費

阿尿坡板橋同上 創建置租均與沙街橋同

下馬橋同上 五柳村創建無考民國三年黎姓以嘗款倡捐

重修砌以石

大坡石橋同上 創建無考清道光間重修

坡腳石橋同上 清道光間黎創儉倡捐建造

密子石橋同上 創建無考

獨山石橋同上 米場墟北頭半里清光緒初米場墟商行建

造與南中堡朱江地石橋同置田租一石二斗

詳橋碑

朱江地石橋在南中堡清光緒初米場墟商行建造田租見獨

山石橋

良村板橋同上 南中河下游清雍正間歲貢邱岳峙捐貲創

建長十餘丈遞年由其後裔將嘗款修理

楊梅根甄橋同上 民國六年清武生邱憲璋倡建長二丈

阿婆社甄橋同上 竹圍肚村民國七年邱憲璋倡建長二丈

陸川縣志 卷之五

建置類一 橋梁

三十六

本埔村甄橋同上 清同治初從九職銜邱含貞捐建長丈餘

旺塘橋頭甄橋同上 橋頭村長八尺

旺塘洞甄橋同上 長五尺 以上二橋創建俱無考

旺塘村石橋同上 清光緒末監生林茂春捐貲建造長八尺

山心板橋在朗洞堡山心甲山心村清康熙二十七年舉人龐

穎建原名利涉橋後圯道光間監生戴永章置撥田租六石為

遞年建造之費後龐烘然以管理此租餘款添置租三石六斗

石灣角板橋同上 樂甯甲石灣角下游不及廟門首清光緒

六年郎中呂錫旂監生龐熙典倡捐建造龐熙典後以管理餘

款購置田租二石

高圳輒橋同上 樂甯甲石板洞西清光緒初郎中呂錫旂捐
貲建造長六尺

磨勾橋同上 佛子甲佛子村石砌長六尺

社亭石橋同上 黃楊甲黃箭村長三尺 以上二橋創建俱
無考

鹿莘石橋在有龍堡鹿莘村清雍正間知縣謝錫侯暨歲貢龐

駿建

謝通志作
六平橋

馬鞍山板橋同上 又名大壩橋

陸巷板橋同上 又名橋頭橋

陂背板橋同上 又名上界洞橋

陸川縣志

卷之五

建置類一 橋梁

三十七

尋汶板橋同上 又名下界洞橋

尋村板橋同上

石柱旱洞板橋同上

隆久塘板橋同上 以上七橋各由村人合力修建

石子嶺板橋同上 清嘉道間監生戴永章捐貲創設義渡後

其子守禦所千總銜維經等復就父嘗購撥書院田租內劃出
二十二石撥作改造板橋及石子嶺路鋪施茶經費

筋勾板橋同上 初用舟渡清嘉慶間戴奕麟捐貲造橋並撥
田租八石爲遞年修費

岐山橋同上 初用舟渡後架橋均道光間謝復泰捐貲建設

並撥田租八石爲遞年修費

油茶橋同上 清嘉慶五年覃宏會等倡捐用石建造長二丈寬三尺高丈餘

三合橋同上 硃砂塘門首社旁清道光十九年從九職銜李茂和等倡捐用石建造長一丈寬三尺

高石台板橋同上 清同治間封職監生李嘉霖捐貲創建

嶺腰板橋同上 清光緒間武生林錦懷撥田租三石爲遞年修費

莘山板橋同上 原村人同建清光緒末監生黃撫濠撥田租五石爲遞年修費

陸川縣志

卷之五

建置類一

橋梁

三十八

高山坡石橋同上 前屢建屢圯清光緒初附近村人集貲修築告成復圯

河口鋪石橋同上 大洞村之上附近村人捐貲建造長丈餘寬二尺餘

下浪板橋同上 又名墩上橋歷由張姓會款修理

車田下洞板橋同上 清光緒初監生龐芹捐貲創建遞年由其子孫修理

麻絲埔板橋同上 本村林姓建造

麻絲洞板橋同上 本洞寨門首民國初清副貢王典禮建造

老虎坑口石橋同上 原架以板民國十年龐恩倡捐改造

山村石橋在大襖堡山村下洞清光緒十五年楊景春溫應玉等倡捐建造

普濟橋在中塘堡獅子江距城五十六里清光緒十二年附生李夢生郎中銜吳裕瀛候選通判吳煥文封職羅明健羅清正羅忍益等倡捐以石建造長十六丈寬一丈三尺附建茶亭獅子江茶亭同上 見普濟橋

古扁石橋同上 古扁陂下游潭文鋪清光緒間封職監生鍾毓臻兄弟捐貲創建長四丈寬五尺

廣濟橋同上 水車洞清光緒二十年覃星橋等倡建砌以石長二丈一尺寬四尺

陸川縣志 卷之五

建置類一 橋梁

三十九

六甘石橋同上 六甘陂面長二丈六尺寬三尺建置無考
祿王石橋同上 福安寺門首清乾隆間建造長二丈四尺寬六尺四寸

大侯崗茶亭同上 碗窰坑頂清光緒三十四年監生吳居仁等倡首集會建設

大橋河橋在大洞堡大橋墟左清嘉慶間郭升堂等倡建木造會租十八石

陳村木橋同上 陳村河附近村人遞年建造

大橋墟尾石橋同上 大橋墟尾右偏坑口清代募捐建造

牌坊洞石橋同上

馬欄山石橋同上

亞公墩石橋同上 以上三橋建築無考

塘頭嶺石橋同上 清代建造民國初清監生陳嘉詵倡修

龍塘坑口石橋同上 清道光間周世幽倡建

小洞坑石橋同上 清道光二十三年周世幽倡建

大洞河石橋同上 創建無考清光緒二十九年附生陳振鋆等重修

太平山石橋同上

大塘肚石橋同上 以上二橋創建無考

草村嶺脚石橋同上 上平山洞清道光間陳杏榮倡建

陸川縣志 卷之五

建置類一 橋梁

四十

六巴河石橋同上 清道光間李樹華捐貲建造

六巴廟坑口小石橋俱同上

雙握板橋在洞心堡雙握河

鄉貴板橋同上 木威塘村水口 以上二橋俱見上津渡

鶴洞石橋同上 路通博白謝國綱創建長二丈餘寬三尺餘

並於橋頭砌石路一段清光緒四年徐始乾重修

潭村木橋同上 潭村河長三丈餘遞年霜降建造清明拆卸

依古村板橋同上 長二丈寬三尺創建無考

冠英塘橋同上 清光緒間州同銜何光輝建長七尺寬三尺

下馬洞石橋同上 長丈餘寬三尺創建無考范姓重修

平山坡石橋同上 清道光初監生林桂開捐貲創建長丈餘寬二尺

油村洞石橋同上 清道光初林桂開捐貲創建長七尺寬三尺光緒二十六年因水沖圯陳春華倡捐修復

天久霧村石橋同上 一在上坑清乾隆末林宏儒建分兩路每路長八尺寬二尺一在下坑道光末林桂開依上坑式建石子印石橋同上 清道光末李樹華捐貲建造長七尺寬二尺餘

瓜頭村石橋同上 清道光初林桂開捐貲建造長八尺寬二尺餘

陸川縣志 卷之五

建置類一 橋梁

四十一

鴨牙村石橋俱同上

北桑村石橋同上 清道光初李樹華捐貲創建長丈餘寬二尺餘民國三年被水沖圯其嗣孫世祺捐貲修復

鯉魚壩石橋同上 長八尺餘寬二尺餘

旱塘石橋同上 以上二橋創建無考

陸紅村石橋同上 五爪坡嶺嘴清道光間陳綱敷捐貲建造後被水沖又捐貲修復

洗布河石橋在沙井堡烏石墟外清同治十二年歲貢呂庭瑜等倡捐集貲羅道宏等督理建造長三丈餘

烏石墟頭甄橋同上 清嘉慶十二年千總銜陳經義等建

旺高山坑石橋同上 民國八年清附生李樹屏等倡捐建造
長七尺餘

榕樹壩橋同上 民國七年清附生邱耀鑿等倡建

伏波廟石橋同上 清光緒二年邱兆璋等倡捐建造

大坪甄橋同上 清光緒二十六年附生羅翰增等倡建

老鼠脛河板橋在塘域堡清嘉慶以來僅冬季架木民國十一年吳華文徐怡春等以雙握渡會款建造始周年可行長五丈餘有會租二十餘石

三灘坑甄橋同上 清咸豐六年羅循元捐貲建造

灘面李家橋在吹塘堡木造

陸川縣志 卷之五

建置類一 橋梁

四十二

灘面黃家橋同上 木造

大壩河木橋同上

徐村河木橋同上 以上四橋建置俱見上津渡

覃村木橋在新村堡覃村東偏建置見上津渡

蓮塘坑木橋同上 清咸豐九年謝憲欽倡捐成會有田租二

石遞年修理

大洞橋同上 清嘉慶二十二年謝端謹撥款以甄石建砌

下環橋同上

青山橋同上 以上二橋俱清道光二十三年建

大壩塘橋同上 清同治元年建

至劉車橋同上 清同治四年建

擔水坑橋俱同上 以上五橋俱舉人謝蘭涓倡捐建造砌以

甄石詳橋碑

馬嘶塘橋同上 李江兩姓倡建橋碑剝落年代無考

弓窩坑橋同上 清光緒三十一年謝桂璇倡捐建造砌以甄

石詳橋碑

水陸埭橋同上 清光緒三十二年藍文璆捐貲以甄石建造

下洞石橋同上 清道光二十二年萬紹基倡捐建造詳橋碑

亥那坳石橋同上 清光緒三十二年監生邱錫槐倡捐建造

遇龍橋同上 外洞坑原有橋會田租十五石四斗歷造木橋

陸川縣志 卷之五

建置類一 橋梁

由會修理民國二年謝祖廉管理會租改砌以石

永安橋同上 良田墟頭里許清同治十年顏有楷等倡建置

田租三石詳橋碑

石崗橋在清湖上堡清光緒三年王國中捐貲建造其餘小石

橋及大路亦多修建巡檢儲良撰序勒石

合水口甄橋同上 清光緒三十一年何錫蕃簡而廉廖科祥

等倡捐建造知縣呂篤為撰疏募捐

大沙坑甄橋同上 大沙村門首清光緒五年李蘭香等捐貲

建造詳橋碑

永旺橋同上 清湖墟背馬旺塘清咸豐間黃安吉倡捐置田

租十一石僅冬季架木光緒十年朱有隆管理橋租始改造以板周年可行三十年朱有隆退辦橋復崩壞民國七年黃宗綱捐貲更換橋柱鞏固如初

旺竹坑甄橋在清湖下堡清光緒三年凌永俊倡建長一丈二尺寬二尺

石灘湖甄橋同上 清光緒二年州同銜王家齊捐貲創建民國三年水沖左岸其子世俊孫錫恩集合紳董等捐貲修復長徑甄橋同上 清光緒三年王家齊創建二十七年被水沖壞現未修復

劉村甄橋同上 清光緒三十一年王華祥倡建長一丈二尺

陸川縣志

卷之五

建置類一

橋梁

四十四

寬三尺五寸

石嘴甄橋同上 清光緒十二年江日富嗣孫將嘗款捐貲創建長一丈五尺寬三尺六寸

竹頭背石橋同上 民國六年李岳麟倡建長約三丈寬二尺餘

